

書名 空同先生集六十三卷 嘉靖九年序刊本
撰者 明 李夢陽 撰
卷 卷五十九
內容分類 集-別集-明中葉
索書號 倉石:40084
編號 4008000

卷五十九



空同先生集卷第一

賦一十首

疑賦

思賦

省愆賦

緒寓賦

侯軒子賦

十首

賦

乾
坤
高卑易矣
星辰在
下江河
逆矣天
喬喬天

北郡李夢陽撰

鈍賦

述征賦

宣歸賦

寄兒賦

竹石賦



都玄敬徐昂穀信陽何仲默其在南都則顧華玉朱
升之其尤也諸在翰林者以人衆不叙自正德丁卯
之變縉紳罹慘毒之禍於是士始皆以言爲諱重足
索息而前諸倡和者亦各飄然萍梗散矣賴 皇帝
明聖斷殛元惡伸拔英類於是海內之士復矯矯吐
氣此又一運會也而顧君適以開封知府歲覲都下
乃有朝正倡和之詩蓋余不聆此音者數年矣今一
旦見之誰謂異於空谷楚然者哉然倡和者五人而
已而其詩顧猶多憂讒念歸之辭則余不知所謂矣

空同先生集卷第五十八

空同先生集卷第五十九

北郡李夢陽撰

文 雜文二十三首 文 銘 贊 凡三種

哭白溝文 咎旱飈文

禱旱文 其二

謝雨文 白室銘二首

獨對亭銘 井銘

六合亭銘 端硯銘二首

石几銘 孔子贊

大舜贊 齊太史贊

三仁贊三首

宋龍圖閣學士范公畫像贊

鍾植贊

張將軍畫像贊

劉文華畫像贊

雜文二十三首

哭白溝文

正德二年閏月初吉予與職方王子俱蒙放歸
南道白溝之野徃白溝之戰王子伯大父予曾
大父死焉百載憤痛爰託於斯文

嗚呼嗟哉此何流兮皓沙千里霜霧四興荒濱斷岍
陵沉谷崩積骨成丘衝波沃雲月星夜昏殺氣晝屯
粵春事之旣載迺予邁于茲野覽殘墟以掩涕塞故

柵而維馬暄冰泮而復峙辰物鬱而未申日蒼莽兮
將墜天慘惻而愴神前儔佇以驚顧追侶悵而增惑
趾欲進而躑躅哽歔歔乎內惻爾其龍蛇鬪爭雌雄
未決戰形闢兵營列乃有秦楚善戰之士齊晉詭謀
之生接軌方轂抉地維而劃天門甲光鏡四野戟枝
亘長雲鉦鼓鳴兮河海竭軍聲振兮山岳裂嗟時弗
利甬道絕弱之肉強之食飲人屎咀馬革遂爾橫屍
蔽畛崇嵒截流哭聲震天漂血成溝賤至臺隸貴或
君侯刃剗其幣戈穿于喉踐爲土沙疊若陵丘魂營
營以無歸骨交加而卧霜鬼啾啾以宵嘯人慄慄而
斷行風陰陰以四起折鏃朽骸雜瓦礫兮飛揚嗚呼

此爲何流而有斯戰場邪竊嘗究性命之原推興替
之端民死等干鴻毛亦有重於泰山彼短兵兮旣接
春天傾兮地搖乃有睛被刺而不轉膚受剝而弗逃
此結纓抗論之夫甘心烏鳶之口膏野草而罔顧者
也猗嗟我祖生爲士雄死爲國殤岱華摧而敦支玉
石灼而並戕委英肝于塵沙滅聲景而未藏雷霆結
而迅音烟颺烈而怒揚神怦怦以縹緲馮悲氛而望
故疆猥小子兮何知績箕裘之末躅愾時命之難忱
懼遐耀之堙辱憤原隰之衰棄束無棺而莖無坐匝
墟壙以冥索林莽杳兮縱橫腸紆迴以崩裂涕闌干
而染纓物何微而不昌德何遠而不存軫將發而復

結托哀響于茲文

答旱颺文

二年丁卯自一月至於三月不雨怕風窈冥盡

晦李子於時寓大梁之墟作文傳曰僭怕暘若
霧怕風若咎在言與思京房曰欲德不用厥災
荒又曰顓事有知誅罰絕理厥災大風天黃

雲乎將興颺爲厲兮陰陽將交歛使離兮聲威鼓烈
繫誰怒兮屯膏弗降孰之咎兮吁嗟汝胡不仁兮亶
不畏民不畏天兮揚沙晝晦拔林木兮既顛我禾又
發我屋兮寶英蔽天雨霾颺颺兮瀕瀕洶洶若摩軋
兮樹無留柯彼羽族安托兮殪穀破卵賊物和兮虫

獸惶擾塌翼血趾負嵎塚兮吁嗟汝寧茲遂兮日月
喪魄天地易位兮五星錯而背行寒與暑其倒置兮
三川皆震龍失勢兮巖谷崩衝轟砰礧礧騰潮沃日
灌太空兮奔千里乎無人塵冥冥征兮城廓晝閉慘
光精兮嗚呼天監臨四方明明厥維亦孔章兮聿茲
若罔知哀我民罹兮諄曰已矣哉天既不弔而予何
爲獨憂苟使豐隆秉競而不回兮豈屏翳之足仇彼
雨師又容與兮曰匪予之承電禬禬以歛耀兮畢翁
翁而將興畢爲車主風嗟爾今之人胡憮莫懲

禱旱文

伏念日者春膏未濡夏暘轉亢雷炎毒蒸焦我嘉穀

瘠我六畜百姓惶遽四境告災某等閔焉抱憂中心
如焚食弗甘味卧靡寧席蓋數月于茲矣雲神無應
籲天則高踖踏內咎咨嘆無聊竊念祥異之來乖和
是基是以婦寃致旱獄決獲霖揆昔諗今卓有顯徵
意者某等鎮之寡道憲而未貞漏奸什良政乖法頗
田畝困而無伸閭閻怨而罔聞不然何雲興遽散垂
雨而風塵霾晝暘星河夜明官之不職神官是殛元
元何辜罹斯慘極某等伏又念大嶽巨靈生命攸司
豈宜舍其有罪殍我羣黎民無子遺犧牲疇供黍稷
弗繼神祀或窮秉誠洗心齋沐告神造雖靡躬情則
篤至惟神鑒之惟神之賜

其二

某等伏念百穀布地二麥幸秋雨澤鮮少恒暘轉亢
實青而乾苗芘而稿風霾熱濁蒸為癘疫飢病枕藉
殍屍載途哀哀我民罹茲慘毒日者抒悃告神責躬
祈福而咸悔未通屯膏罔濟是以雲垂垂而飈興雨
微微而日出土夜濕而晝焦禾晨霑而夕涸某等伏
又思休咎徵事箕範有文祥異從人京傳著訓顧斯
亢陽之害必由乖政之致某等疆土是職救災寡術
觸目抱懼捫心慚慙每欲以功而補愆神其鑒來而
宥往夫好生者天地之德矜迷者神明之惠尚昭昭
而溥賜庶恧恧而釋懷潔牲用陳芬酏是薦我心或

欺神則殛之無殃我民惟神鑒之享之聽之謹

謝雨文

伏以日者陽亢旱雲饑歉疫癘民弗堪災某等憂懼
靡寧布誠禱神荷蒙昭昭聽察赦愆矜愚憫窮悔禍
三日之內驟颺暴凍霑灑遽至雖土膏未接禾根未
濡然神之格我佑我亦云驗矣某等伏念天地之於
物猶父母之于子父母不棄改過之子天地宜鑒洗
心之物尚冀自今震雷時奮甘澍普零俾公私各足
黍稷有馨庶報神無匱竭之虞元元有更生之望我
牲鮮潔我酒清冽敢以謝神敢以再祈于我神惟神
鑒焉謹告

白室銘二首

李子葺室貴州署堂南掃地而鏤壁上繭旁墜
窅然而曠銘曰

雖有至潔弗慎則污雖有上智周念則愚至人皓皓
游心厥初太虛爲與恬御靜驅細人絢志斯追斯琢
役采捐質離奇紛錯維室生闇維虛生明維厥至人
光凝素行介圭之璞玄酒之馨匪伊勿則含淵乃貞

二

夫白生虛虛生明固矣然心與室異乎能新其污而
不能必其不污非室乎非需人以立者乎由中而出
發于言而作於行汝尚安所需乎是故後汝繪事溷

不緇觀于爾室果異邪否邪

獨對亭銘

獨對亭者白鹿洞書院亭也亭在書院東枕流
橋北崖上朱子舊遊處也其下則峻溪湍灘衝
縱乃其崖下广而上砥陟亭西向適與五老峰
對又崖間窟風泉雲壑字大如斗亦西向故曰
獨對云獨對者前副使提學無錫邵公所名也
詳見其所自記後十年而予來陟其亭夫獨之
言孤也對者主賓也方吾之未來則所謂五老
者固謂吾賓也及既來也陟亭而對之則吾非
若主邪何也亭吾亭也夫亭不吾常一往而一

來曰獨對何也大化流行而不停往者去之來者主之我既主之則雖謂為獨對不過矣自有茲峰也周匡氏漢巖下老人唐李申氏李渤氏率皆來率對宜皆曰獨然而邵公不與也其言曰仁者壽五老峰壽朱子仁是宜獨對方我為之主對固我也其往也不謂我獨也此其人高下之倫造詣淺深次第學術端邪之等不於斯而占哉且匡氏巖下老人吾不知其何人矣然而自也予知其文也渤也予知其節也夫二者猶不得獨與峰對然則來主是亭者蓋亦思所以獨對者已矣予無似追昔從邵公講道許下

今廿餘年矣不謂繼官而同地均業共職有茲來也自顧品下詣淺志難端而履弗力於亭今即主也然逆知來者不與也孔子曰我欲仁斯仁至矣願及茲勉焉以副許下之盟乃為亭銘

銘曰

巖巖五峯若翔若垂當其東南我亭對之惟混沌初磅礴賦形彼得其峙我得其靈其靈其峙一元所為曰靜曰壽仁者如斯於穆岩洞嶺迴溪環桂松盤盤學宮是基鼓篋摳衣四方攸歸弘本立教爰自考亭人遐跡存岬劓熒熒如日如星邵子爰構獨對斯肇於微紫陽孰並而當淙淙者澗有源有泉不有哲民

瞻開我先五峯巘巘永斯在斯跡殊理同哲其我師
作銘于亭來者式思

井銘

故井崩塞汲溪焉飲春夏交溪毛茂芋蛇虫毒
可虞也正德八年冬至予至南康府使學生劉
峻往書院視地掘井得諸亥方厥日甲申是日
也南風至穿土數尺石阻集力除焉始艱而終
利有泉上涌甘冽然慮溪侵也布墜其底覆石
泉旁出焉甃輒而上石牀約口五日而井成余
究惟易義釋孟氏譬旨乃爲井銘銘曰

厥道流形水行地中導之斯湧無卑無崇維愚靡爲
于滌于澮爲不及泉是曰中廢於井斯肇亥位盧羅
源源澄冽匪溢匪竭艱始終利孰曰匪力靜止用發
惟義之則含陽潤陰炎寒冬熱勿鮓勿幕九五終食
出時溥施視受爲容吸華茹甘挹之必克濯煩滌汚
費而弗勞爰薦神明以亨以芼彌遠彌馨聖澤攸陶

六合亭銘

仰觀俯察八荒在茲處高見大登之自卑來者敬聽
勿遽勿疑

端硯銘二首

世以眼貴而汝無此人其瓦礫汝

二

台端若方女式虛內女式越若鈍靜亦乃式乃磨不
磷涅不緇允茲在茲相台

石几銘

李子獲石焉平而方爲几焉而銘之銘曰

色乾之清質坤之剛扣之鏗然平直靜方我有嘉林
度汝其旁汝憑汝依可詠可觴我有兄弟友明親戚
燕無豐約來惟汝覲朝之夕之汝懽汝暱人情靡同
汝應則一浴露吞烟瑩月烜日孤貞介確光澤纈粟
雖有霜霰毒蒸厲飈侵之不入而撼之汝揺哉

孔子贊

鳥不至人莫知行廢嗟命獲麟竟悲已詘道信

世攸師願學謂何小子敬思

大舜贊

聖狂天淵一念則分孟欽大孝孔贊克君衿衣鼓琴
今如見之我猶鄉人鷄鳴孳孳

齊太史贊

崔杼弒其君莊分齊太史書曰崔杼弒其君崔
杼殺之其弟復書崔杼復殺之少弟復書崔杼
乃舍之贊曰

皇天厭德逆徒干經國旣無人亂是用丁桓桓太史
抗言討兵舍命不渝蹈仁秉程一門三烈巖巖茂名

三仁贊三首

白端若方女式虛內女式越若純靜亦乃式乃磨不
磷涅不緇兌茲在茲相台

石几銘

李子獲石焉平而方為几焉而銘之銘曰

色乾之清質坤之剛扣之鏗然平直靜方我有嘉林
度汝其旁汝憑汝依可詠可觴我有兄弟友朋親戚
燕無豐約來惟汝觀朝之夕之汝懼汝暱人情靡同
汝應則一浴露吞烟瑩月烜日孤貞介確光澤續粟
雖有霜霰毒蒸厲飈侵之不入而撼之汝揺哉

孔子贊

鳥不至人莫知行廢嗟命獲麟竟悲已誦道信

何遜學詩何小子敬思

太姪贊

狂天淵一念則分子孟欽大孝孔贊克君珍衣被
今如見之我猶鄉人鷄鳴孳孳

齊太史贊

崔杼弑其君莊分齊太史書曰崔杼弑其君
杵段之其弟復書崔杼復殺之少弟復書崔杼
乃舍之贊曰

皇天厭德逆徒干經國既無人亂是用丁桓桓太史
批言討兵令命不崩蹈仁秉程一門三烈嚴嚴茂名

三仁贊三首

殷喪厥馭姦宄師師天平下蓄神罔攸依國旣顛越
我寧獨支何其發嘷決于二師三諫遂行允哉睿思

右微子

於維哲人知微知彰譬如滔天涓涓是防象箸道奢
瓊宮兆亡鼓琴自悲過衢佯狂洪疇翊聖朝鮮錫昌

右箕子

箕啓存祀干以殺身殷稱七竅孔贊三仁烈烈太師
實維國楨人之云亡邦是用傾鹿臺玉焚麥秀吞聲

右比干

宋龍圖閣學士范公畫像贊

予觀范龍圖則慕其人嘉其志觀龍圖出處則

哀其時予過無錫秦氏獲觀其畫像我冠法服
莊嚴弘毅蓋得其彷彿焉則又識人心不泯不
然卽顧吳更生安所置毫哉予生長環慶間與
故老談龍圖扼元昊事雖古名將何加矣於是
薰沐再拜贊曰

有偉一人清明令儀三代遺才百世之師

鍾植贊

唐有進士鬼之司直夢中誅邪帝寤驚惑雖寤匪寤
內艷外佞曾無如植是匡是正祿食者誰我言敬聽

張將軍畫像贊

我崇我官有徒嘽嘽我服我丹有蟒盤盤盤盤者蟒

天子之賜嗶嗶者徒天子之畀何以畀之以伐以征
何以賜之汝涉汝明北徼是清南蠻是平將軍者誰
姓張桓名於赫將軍魁軀長髯戰陣能勇處已卑謙
禮士若訥臨下威嚴動若虎彪靜若女潛將軍之馳
如鳥之過之矢之發當之者破此衛開設將官實罕
將官豈罕損於自滿於美將軍年始向強髮黥頰渥
膂力載剛萬兵罔雄百戰匪竒慎終如初文王我師

劉文華畫像贊

劉文華者大梁之逸民也修而弗耀老而靡怠
潛於塾顯於醫訥焉如愚有而凶居君子哉君
子哉贊曰

嗟乎文華人貴之欽君也衣布人富之歆君也寒素
利人之趨君篤者義勢人之附君遇則避嗟乎文華
金不出鑛玉隱於璞一壺懸市百錢停卜榮期帶索
韓康賣藥彼哢彼呶我守之訥彼侈彼矜我守之約
嗟乎文華娶衣內文官鐘外聲聞黨敬禮月旦優評
鄉飲是賓古貌古服膺祉戩休而安而穀昔稱長者
今觀有恒厥像儼如今儀可徵

空同先生集卷第五十九